



**Baldvini Cabilliavi E Soc. Iesv Magdalena**

**Cabilliau, Baudouin**

**Antwerpen, 1625**

XCIV. Magdalena nuntia resurrectionis.

---

[urn:nbn:de:hbz:466:1-70461](#)

122 BALDVINI CABILLIAVI LIBER V.

Ros labra, ros coma, ros vultus, ros luminis  
orbes,  
Ros gena, ros pectus, ros sit & oris ebula.

X C I V.

M A G D A L E N A nuntia re-  
surrectionis.

M A G D A L A quem surdo venaris auara se-  
pulcro,

Anne putas furto diuite prædo tenet?  
Iamque nouâ sub nocte premit sepelitque se-  
pultum,

Vt duplus vnius funere luctus eat?  
Siste fugam pia Diua, tuasque retexe querelas;

Quo rapit errantes deuia cura pedes?

Nec patulo saxo pignus iam quære salutis,

Quam sata vere nouo sospitat ipsa Salus.

Pullulat è grauido vitæ spes alma sepulcro:

Ecce tibi partæ nuntia prima spei.

Hoc est quod vacuâ rimaris anhela cauernâ:

Sit satis hoc; volucri curre, recurre pede.

Huc ideo ab Solymâ cursus fuit: illius ergo

Itur, & in Solymum deinde redditur iter.

En solito mulier vitæ iam lætior augur,

Iam positis curis omina fausta canit.

Sic male - suada viro necis heu! interpres &  
auctor,

Femina fit vitæ nuntia læta viris.

Quam felix ea noxa! parit mors ipsa salutem.

Sæua quod Eua patrat, Magdalæ æqua piat.

Terrâ